

全上古三代秦漢三國六朝文

全晉文卷一百三十四

烏程嚴可均校輯

習鑿齒

鑿齒字彥威襄陽人荊州刺史桓溫辟爲從事轉西曹主簿別駕治中左遷戶曹參軍出爲衡陽太守尋罷歸有漢晉春秋四十七卷集五卷

臨終上疏

臣每謂皇晉宜越魏繼漢不應曰魏後爲三恪而身微官卑無由上達懷抱恩情三十餘年今沈淪重疾性命難保遂嘗懷此當與朽爛區區之情切所悼惜謹力疾著論一篇寫上如左願陛下攷尋古義求經常之表超然遠覽不曰臣微賤廢其所言

晉書習鑿齒傳

與謝安書

每省家舅縱目檀谿念崔徐之交未嘗不撫膺躊躇惆悵終日矣

水經河  
水注

又與謝安書稱釋道安

來此見釋道安故是遠勝非常道士師徒數百齋講不倦無變化  
技術可已惑常人之耳目無重威大勢可已整羣小之參差而師  
徒肅肅自相尊敬洋洋濟濟乃是吾由來所未見其人理懷簡衷  
多所博涉內外羣書略皆遍睹陰陽算數亦皆能通佛經妙義故  
所遊刃作義乃侶法蘭法祖輩案高僧傳五統曰大無不肯稍齊  
物等智在方中馳騁也恨不使足下見之其亦每言思得一見足  
下釋藏第八  
又百五

與謝侍中書

案謝安由吳興太守徵拜  
侍中孝武時復加侍中

此有紅藍北人采取其花作烟支婦人粧時作頰色用如豆許案  
令偏頰殊覺鮮明匈奴名妻閼氏言可愛如烟支也爾雅翼三  
案烟支事復

見與燕王書蓋本  
集兩書皆及之

與燕王書

山下有紅藍花足下先知之不知北方采紅藍取其花染緋黃按取其英鮮者作烟肢婦人將用爲顏色吾少時再三遇見烟肢今日始視紅藍後當爲足下致其種匈奴名妻作關支言其可愛如烟肢也想足下先亦不作此讀漢書也

史記匈奴傳索隱北堂書鈔一百三十五御覽七百二十

引崔豹古今注

與桓祕書

吾自去五月三日來達襄陽觸目悲感略無懼情痛惻之事故非書言之所能具也每定省家舅從北門入西望隆中想臥龍之吟東眺白沙思鳳雛之聲北臨樊墟存鄧老之高南眷城邑懷羊公之風縱目檀溪念崔徐之友肆睇魚梁追二德之遠未嘗不徘徊移日惆悵極多撫乘躊躇慨然而泣曰若乃魏武之所置酒孫堅之所隕斃裴杜之故居繁王之舊宅遺事猶存星列滿目璅璅常

流碌碌凡士焉足已感其方寸哉夫芬芳起于椒蘭清響生乎琳琅命世而作佐者必垂可大之餘風高尚而邁德者必有明勝之遺事若向八君子者千載猶使義想其爲人況相去之不遠乎彼一時也此一時也焉知今日之才不如疇辰百年之後吾與足下不並爲景升乎

晉書晉鑿齒傳

### 與釋道安傳

興寧三年四月五日鑿齒稽首和南承應眞履正明白內融慈訓兼照道俗齊蔭宗虛者悟無常之旨存有者達外身之權清風藻于中夏鸞響厲乎八冥玄味遠猷何榮如之弟子聞天不終朝而兩六合者彌天之雲也弘淵源已潤八極者四大之流也彼直無爲降而萬物賴其澤此本無心行而高下蒙其潤況哀世降步愍時而生資始繫于度物明道存乎練俗乘不疾之輿已涉無遠之道命外身之駕已應十方之求而可得玉潤于一山冰結于一谷

望閭風而不迴儀。惜此世而不誨度者哉。且夫自大教東流。四百餘年矣。雖蕃王居士。時有奉者。而真丹宿訓。先行上世。道運時遷。俗未僉悟。藻悅濤波。下士而已。唯肅祖明皇帝。實天降德。始欽斯道。手畫如來之容。口味三昧之旨。戒行峻于巖隈。立祖賜乎無生。大塊既唱。萬竅怒呼。賢哲君子。靡不歸宗。日月雖遠。光景猶暉。道業之隆。莫盛于今。高僧傳作滅無已匹豈所謂月光道寂。將生真土。靈鉢東遊。忽驗于茲乎。又聞三千得道。俱見南陽。明學開士。陶演真言。上攷聖達之誨。下測道行之驗。深經普往。非斯而誰。懷道邁訓。舍茲孰降。是已此方諸僧。咸有傾想。目欣金色之瑞。耳遲無上之箴。老幼等願。道俗同懷。繫詠之情。非常言也。若慶雲東徂。摩尼迴曜。一躡七寶之座。暫現明哲之燈。兩甘露于豐草。植梅檀于江湄。則如來之教。復崇于今日。玄波溢漾。重蕩于一代矣。不勝延像裁書。致心意之蘊積。曷云能暢。弟子襄陽習鑿齒稽首和南。弘明集十二高僧傳五

晉承漢統論

或問魏武帝功蓋中夏文帝受禪于漢而吾子謂漢終有晉豈實理乎且魏之見廢晉道亦病晉之臣子寧可已同此言哉荅曰此乃所已尊晉也但絕節赴曲非常耳所悲見殊心異雖奇莫察請爲子言焉昔漢氏失御九州殘隔三國乘閒鼎峙數世干戈日尋流血百載雖各有偏平而其實亂也宣皇帝勢逼當年力制魏氏螻蛄從時遂羈戎役晦明掩耀龍潛下位俛眉重足鞠躬屏息道有不容之難躬蹈履霜之險可謂危矣魏武既亡大難獲免始南擒孟達東蕩海隅西抑勁蜀旋撫諸夏摧吳人入侵之鋒埽曹爽見忌之黨植靈根已跨中嶽樹靈才已翼子弟命世之志旣恢非常之業亦固景文繼之靈武冠世剋伐貳違已定厥庸席卷梁益奄征西極功格皇天勳侔古烈豐規顯祚故已灼如也至于武皇遂并彊吳混一宇宙又清四海同軌二漢除三國之大害靜漢末

世說文學篇注此下有累世二字

之交爭間

世說注作席

九域之蒙昧

世說注有大字

定千載

之盛功者皆司馬氏也而推魏繼漢已晉承魏比義唐虞自託純臣豈不惜哉今若已魏有代王之德則其道不足有靜亂之功則孫劉鼎立道不足則不可謂制當年當年不制于魏則魏未嘗爲天下之主王道不足于曹則曹未始爲一日之王矣昔共工伯有九州秦政奄平區夏鞭撻華戎專總六合曾不見序于帝王淪沒于戰國何況暫制數州之人威行境內而已便可推爲一代者乎若已晉嘗事魏懼傷皇德拘惜禪名謂不可割則惑之甚者也何者隗囂據隴公孫帝蜀蜀隴之人雖服其役取之大義于彼何有且吳楚僭號周室未亡子文延陵不見貶絕宣皇帝官魏逼于性命舉非擇木何虧德美禪代之義不同堯舜校實定名必彰于後人各有心事胡可掩定空虛之魏已屈于已孰若杖義而己貶魏哉夫命世之人正情遇物假之際會必兼義勇宣皇祖考立功于



漢世篤爾勞思報亦深魏武超越志在傾主德不素積義險冰薄  
宣帝與之情將何重雖彫屈當年意申百世降心全己憤慨于下  
非道服北面有純臣之節畢命曹氏忘濟世之功者也夫成業者  
係于所爲不係所藉立功者言其所濟不言所起是故漢高稟命  
于懷王劉氏乘斃于亡秦超二僞曰遠嗣不論近而計功攷五德  
于帝典不疑道于力政季無承楚之號漢有繼周之業取之旣美  
而已德亦重故也凡天下事有可借喻于古曰曉于今定之往昔  
而足爲來證者當春秋之時吳楚二國皆僭號之王也若使楚莊  
推鄢郢曰尊有德閭閻舉三江曰奉命世命世之君有德之主或  
藉之曰應天或撫之曰光宅彼必自係于周室不推吳楚曰爲代  
明矣沉積勳累功靜亂監眾數之所錄眾之所與不資于燕噲之  
授不賴于因藉之力長繼廟堂吳蜀兩斃運奇二紀而平定天下  
服魏武之所不能臣蕩累葉之所不能除者哉自漢末鼎沸五六

十年吳魏犯順而強蜀人杖正而弱三家不能相一萬姓曠而無主夫有定天下之大功爲天下之所推孰如見推于閭人受尊于微弱配天而爲帝方駕于三代豈比俛首于曹氏側足于不正卽情而恆實取之而無愆何與詭事而託爲開亂于將來者乎是故故舊之恩可封魏後三恪之數不宜見列已晉承漢功實顯然正名當事情體亦厭又何爲虛尊不正之魏而虧我道于大通哉昔周人詠祖宗之德追述翦商之功仲尼明大孝之道高稱配天之義然后稷勤于所職辛來未已翦商異于司馬氏仕乎曹族三宗之寓于魏世矣且夫魏自君之道不正則三祖臣魏之義未盡義未盡故假塗已運高略道不正故君臣之節有殊然則弘道不已輔魏而無逆取之嫌高拱不勞汗馬而有靜亂之功者蓋勳足已王四海義可已登天位雖我德慙于有周而彼道異于殷商故也今子不疑共工之不得列于帝王不嫌漢之係周而不係秦何至

于一魏猶疑滯而不化哉夫欲尊其君而不知推之于堯舜之道  
欲重其國而反厝之于不勝之地豈君子之高義若由未悟請于  
是止矣

晉書四  
登嶺傳

### 漢晉春秋論先主到當陽

先主雖顛沛險難而信義愈明勢偏事危而言不失道追景升之  
顧則情感三軍戀赴義之士則甘與同敗觀其所已結物情者豈  
徒投醪撫寒含蓼問疾而已哉其終濟大業不亦宜乎

蜀志先  
主傳注

### 孔明殺馬謖

諸葛亮之不能兼上國也豈不宜哉夫晉人規林父之後濟故廢  
法而收功楚成闇得臣之益已故殺之已重敗今蜀僻陋一方才  
少上國而殺其俊傑退收驚下之用明法勝才不師三敗之道將  
已成業不亦難乎且先主誠設之不可大用豈不謂其非才也亮  
受誠而不獲奉承明設之難廢也爲天下宰匠欲大收物之力而

不量才節任隨器付業。知之大過則違明主之誠。裁之失中。卽殺有益之人。難乎其可與言智者也。

蜀志馬良傳注

孔明卒使廖立垂泣。李平發病死。

昔管仲奪伯氏駢邑三百。沒齒而無怨言。聖人曰爲難。諸葛亮之使廖立垂泣。李平致死。豈徒無怨言而已哉。夫水至平而邪者取法。鏡至明而醜者忘怒。水鏡之所已能窮物而無怨者。已其無私也。水鏡無私。猶曰免謫。況大人君子懷樂生之心。流矜恕之德。法行于不可不用。刑加乎自犯之罪。爵之而非私誅之而不怒。天下有不服者乎。諸葛亮于是可謂能用刑矣。自秦漢已來。未之有也。

蜀志李嚴傳注

龐統諫先主

夫霸王者必體仁義。已爲本。仗信順。已爲宗。一物不具。則其道乖矣。今劉備襲奪璋土。權已濟業。負信違情。德義俱愆。雖功由是隆。

宜大傷其敗。譬斷手全軀。何樂之有。龐統懼斯言之泄。宣知其君之必悟。故眾中匡其失。而不脩常謙之道。矯然大當。盡其譽。謗之風。夫上失而能正。是有臣也。納勝而無執。是從理也。有臣則陛隆。堂高從理。則羣策畢舉。一言而三善兼明。暫諒而義彰。百代可謂達乎大體矣。若惜其小失。而廢大益。務此過言。自絕遠讜。能成業濟務者。未之有也。蜀志龐統傳注

法正勸先主納劉焉子瑁妻吳氏

夫婚姻人倫之始。王化之本。匹夫猶不可已。無禮而況人君乎。晉文廢禮行權。已濟其業。故子犯曰。有求于人。必先從之。將奪其國。何有于妻。非無故而遠禮教者也。今先主無權事之偏。而引前失。已爲譬。非導其君已堯舜之道者。先主從之過矣。蜀志先主穆皇后傳注

費詩諫先主稱尊號

夫創本之君。須大定而後正。已纂統之主。俟速建。已係眾心。是故

惠公朝虜而子圉夕止更始尚存而光武舉號夫豈忘主微利社稷之故也今先主糾合義兵將已討賊賊彊禍大主沒國喪二祖之廟絕而不祀苟非親賢孰非紹此嗣祖配天非咸陽之譬杖正討逆何推讓之有于此時也不知速尊有德已奉大統使民欣反正世親舊物杖順者齊心附逆者同懼

案此下有脫

可謂闇惑矣其黜

降也宜哉

蜀志費詩傳注

曹操不存錄張松

昔齊桓一矜其功而叛者九國曹操暫自驕伐而天下三分皆勤之于數十年之內而棄之于俯仰之頃豈不惜乎是已君子勞謙日昃慮已下人功高而居之已讓勢尊而守之已卑情近于物故雖貴而人不厭其重德洽羣生故業廣而天下愈欣其慶夫然故能有其富貴保其功業隆顯當時傳福百世何驕矜之有哉君子是已知曹操之不能遂兼天下者也

蜀志費詩傳注

曹操封閭闔

魯欲稱王而閭闔諫止之今封闔爲列侯夫賞罰者所已懲惡勸善也苟其可已明軌訓于物無遠近幽深矣今閭闔諫魯勿王而太祖追封之將來之人孰不思順塞其本源而未流自止其此之謂與若乃不明于此而重燠爛之功豐爵厚賞止于死戰之士則民利于有亂俗競于殺伐阻兵仗力干戈不戢矣太祖之此封可謂知賞罰之本雖湯武居之無已加也

魏志張魯傳注

高堂隆

高堂隆可謂忠臣矣君侈每思諫其惡將死不忘憂社稷正辭動于昏主明戒驗于身後譽諤足已勵物德音沒而彌彰可不謂忠且智乎詩云聽用我謀庶無大悔又曰曾是莫聽大命已傾其高堂隆之謂也

魏志高堂隆傳注

鍾會功曹向雄

向伯茂可謂勇于蹈義也。哭王經而哀感市人，葬鍾會而義動明主。彼皆忠烈奮勁，知死而往，非存生也。況使經會處世，或身在急難，而有不起者乎？故尋其奉死之心，可已見事生之情，覽其忠貞之節，足愧背義之士矣。王加禮而遣，可謂明達也。魏志鍾會傳注

賈逵援曹休

夫賢人者，外身虛己，內已下物，嫌忌之名，何由而生乎？有嫌忌之名者，必與物爲對，存勝負于己身者也。若已其私憾，敗國殄民，彼雖傾覆于我，何利我？苟無利，乘之易爲，已足稱說臧獲之心耳。今忍其私忿，而急彼之憂，冒難犯危，而免之于害，使功顯于明君，惠施於百姓，身登于君子之堂，義愧于敵人之心，雖豺虎猶將不覺所復。案有誤字而況于曹休乎？然則濟彼之危，所已成我之勝，不計宿憾，所已服彼之心，公義既成，私利亦弘，可謂善爭矣。在于未能忘勝之流，不由于此，而能濟勝者，未之有也。魏志賈逵傳注



毋丘儉舉義

毋丘儉感明帝之顧命故爲此役君子謂毋丘儉事雖不成可謂忠臣矣夫竭節而赴義者我也成之與敗者時也我苟無時成何可必乎亡我而不自必乃所已爲忠也古人有言死者復生生者不愧若毋丘儉可謂不愧也

魏志毋丘儉傳注

司馬景王引過

司馬大將軍引二敗已爲已過過消而業隆可謂智矣夫民忘其敗而下思其報雖欲不康其可得邪若乃諱敗推過歸咎萬物常執其功而隱其喪上下離心賢愚解體是楚再敗而晉再克也謬之甚矣君人者苟統斯理而己御國則朝無秕政身靡留愆行失而名揚兵挫而戰勝雖百敗可也況于再乎

魏志齊王芳紀注

司馬文王赦三叛黨屬

自是天下畏威懷德矣君子謂司馬大將軍于是役也可謂能已

德攻矣。夫建業者異矣，各有所尚，而不能兼并也。故窮武之雄，鑒于不仁，存義之國，喪于懦退。今一征而禽三叛，大虜吳眾，席卷淮浦，俘馘十萬，可謂壯矣。而未及安坐，喪王基之功。案喪字當誤種惠吳人，結異類之情，寵鸞葬欽，忘疇昔之隙，不咎誕眾，使揚土。一本懷作土懷愧功高，而人樂其成，業廣而敵懷其德。武昭既敷，文算又洽，推此道也，天下其孰能當之哉？魏志諸葛誕傳注

### 周瑜魯肅

客問曰：周瑜魯肅何人也？主人曰：小人也。客曰：周瑜奇孫策于總角，定人好惡于一面，摧魏氏百勝之鋒，開孫氏偏王之業，威震天下，名馳四海。魯肅一見孫權，建東吳之略，子謂之小人，何也？主人曰：此乃真所已爲小人也。夫君子之道，故將竭其直忠，佐扶帝室，尊主監時，遠崇名教。若乃力不能合，事與志違，躬耕南畝，遁迹當年，何由盡臣禮于孫氏？于漢室未亡之日邪？客曰：諸葛武侯翼戴

立德與瑜肅何異而子重諸葛毀瑜肅何其偏也主人曰夫論古今者故宜先定其所爲之本迹其致用之源諸葛武侯龍蟠江南託好管樂有匡漢之望是有崇本之心也今立德漢高之正胄也信義著于當年將使漢室亡而更立宗廟絕而復繼誰云不可哉

御覽四百四十七

### 張昭閉戶拒命

張昭于是乎不臣矣夫臣人者三諫不從則奉身而退身苟不絕何忿懟之有且秦穆違諫卒霸西戎晉文愾怒終成大業遺誓已悔過見錄狐偃無怨絕之辭君臣道泰上下俱榮今權悔往之非而求昭後益迴慮降心不遠而復是其善也昭爲人臣不度權得道匡其後失夙夜匪懈已延來轡乃追忿不用歸罪于君閉戶拒命坐待焚滅豈不悖哉

吳志張昭傳注

羊祜陸抗兩境交和

夫理勝者天下之所保信順者萬人之所宗雖大猷既喪義聲久淪狙詐馳于當塗權略周乎急務負力縱橫之人臧獲牧豎之智未有不憑此已創功捨茲而獨立者也是故晉文退舍而原城請命穆子圍鼓訓之已力治夫獻策而費人斯歸樂毅緩攻而風烈長流觀其所已服物制勝者豈徒威力相詐而已哉自今三家鼎足四十有餘年矣吳人不能越淮河而進取中國中國不能陵長江已爭利者力均而智侔道不足已相傾也夫殘彼而利我未若利我而無殘振武已懼物未若德廣而民懷匹夫猶不可已力服而況一國乎力服猶不如已德來而況不制乎是已羊祜恢大同之略思五兵之則齊其民人均其施澤振義綱已羅彊吳明兼愛已革暴俗易生民之視聽馳不戰乎江表故能德音悅暘而繼負雲集殊鄰異域義讓交弘自吳之遇敵未有若此者也抗見國小主暴而晉德彌昌人積兼已之善而已無固本之規百姓懷嚴敵

之德闔境有棄主之慮思所已鎮定民心緝寧外內奮其危弱抗  
權上國者莫若親行斯道已侔其勝使彼德靡加吾而此善流聞  
歸重邦國弘明遠風折衝于枕席之上校勝于帷幄之內傾敵而  
不已甲兵之力保國而不浚溝池之固信義感于寇讎丹懷體于  
先日豈設狙詐已危賢徇己身之私名貪外物之重我闇服之而  
不備者哉由是論之苟守局而保疆一卒之所能協數已相危小  
人之近事積詐已防物臧獲之餘慮威勝已求安明哲之所賤賢  
人君子所已拯世重範舍此而取彼者其道良弘故也

吳志陸  
抗傳注

傅玄言上終喪下短喪爲但有父子無復君臣

傅玄知無君臣之傷教而不知兼無父子爲重豈不蔽哉且漢廢  
君臣之喪不降父子之服故四海黎庶莫不盡情于其親三綱之  
道二服恆用于私室而王者獨盡廢之豈所已孝治天下乎詩云  
猷之未遠其傅玄之謂也

宋書禮  
志二

諸葛武侯宅銘

達人作振此類風彫構蔚采鳴闌唯豐義範蒼生道格時雍自  
昔爰止于焉盤桓躬耕西畝永嘯東巒迹逸中林神凝巖端固窺  
其奧誰測斯歡堂堂偉匠婉嗣揚朝傾儼搜寶高羅九霄慶雲集  
矣鸞駕亦招

蘇文類聚六十四又初學記二十四盤  
極作龍盤揚朝作陽朝亦招作三招

賜進士出身二品銜廣東等處提刑按察使司按察使兼管驛傳事務黃岡王毓漢校刊

全晉文卷一百三十四終

全晉文卷一百三十五

烏程嚴可均校輯

謝歆

歆爵里未詳

案隋志注梁有車騎司馬謝詔集三卷歆詔形近或即其人姑編于此

金昌亭詩敘

余尋師來入經吳行達昌門忽覩斯亭傷川帶河其榜題曰金昌訪之耆老曰昔朱買臣仕漢還爲會稽內史逢其迎吏遊旅比舍與買臣爭席買臣出其印綬羣吏慚服自裁因事建亭號曰金傷失其字義耳

世說輕詆篇注

王翼

翼爲國子博士

皇后親爲皇后服議

案禮無明文依準鄭制齊縗諸婦誠非五屬然緣成親夫屬子道

則妻亦婦道矣。不得不制親屬之服。

通典八十一

荅庾綽問

庾綽問：女子適人，今改葬，兒既服總，女子當有服不？王翼荅云：喪禮改葬，服總。鄭氏曰：爲臣子妻，已例推之。女子雖降父母，卽亦子也。今男女皆總，于義自通。

通典一百一

顧悅之

悅之字君叔，晉陵無錫人，爲州別駕，歷尚書右丞。

上疏訟殷浩

伏見故中軍將軍、揚州刺史殷浩，體德沈粹，識理淹長，風流雅勝，聲蓋當時。再臨神州，萬里肅清，勳績茂著，聖朝欽嘉，遂授分陝，推轂之任。戎旗旣建，出鎮壽陽，驅其豺狼，剪其荆棘，收羅向義，廣開屯田，沐雨櫛風，等勤臺僕，仰憑皇威，羣醜革面，進軍河洛，修復園陵，不虞之變，中路猖蹶，遂令爲山之功，崩于垂成，忠款之志，于是



而廢既受削黜自損山海杜門終身與世兩絕可謂克已復禮窮  
而無怨者也尋浩所犯蓋負敗之常科非卽情之永責論其名德  
深誠則如彼察其補過罪已則如此豈可棄而不卹使法有餘冤  
方今宅兆已成埏隧已開懸棺而窆禮同庶人存亡有非命之分  
九泉無自訴之期仰感三良昊天罔極若使明詔爰發旌我善人  
崇復本官遠彰幽昧斯則國家威恩有兼濟之美死而可作無負  
心之恨

晉書殷浩傳

顧愷之

愷之一作凱之字長康悅之子大司馬桓溫曰爲參軍復參殷  
仲堪荊州軍事義熙初入爲散騎常侍有啟蒙記三卷集二十  
卷

雷電賦

太極紛綸元氣澄練陰陽相薄爲雷爲電擊武乙于河而誅戮之

罰明震展氏之廟而隱隱之誅見是日宣尼敬威忽變夫其聲無  
定響光不恆照砰訇輪轉倏閃藏曜若乃太陰下淪少陽初升蟄  
蟲將啟動靈先應殷殷徐振不激不憑林鍾統節溽暑烟燭星月  
不朗衣裳若焚爾乃清風前颯蕩濁流塵豐隆破響列缺開雲當  
時倦容廓焉精新豈直驚安竦寐乃日錫精悟神天怒將凌赤電  
先發窺巖四照映流雙絕雷電赫日驚衡山海殪其奔裂若夫子  
午相乘水旱木零仲冬奮發伏雷先行磴磴隆隆閃閃負負從書  
鈔一百五十二補豈隱隱之虛憑乃連和而傷生昭王度之失節見二儀  
之幽情至乃辰開日朗太清無霧靈眼揚精日麗煥壯鼓崩天而  
砰礚陵雉訇隱日待傾方地業舉其若敗蒼生非悟而喪魂龍鬼  
失據日顛沛光驚于泉底聲動于天外及其灑北斗日誕聖震昆  
陽日伐遠降枝鹿日命桀島雙潰而橫尸倒驚檜于霄際摧騰龍  
于雲湄烈大地日繞映惟六合日動威在靈德而卷舒謝神豔之

難追載文類聚二初學記一御覽十三

觀濤賦

臨浙江曰北眷壯滄海之宏流水無涯而合岸山孤映而若浮既藏珍而納景且激波而揚濤其中則有珊瑚明月石帆瑤瑛彫鱗采介特種奇名崩巒填壑傾堆漸隅岑有積螺嶺有懸魚謨茲濤之爲體亦崇廣而宏浚形無常而參神斯必來曰知信勢剛凌曰周威質柔弱曰協順載文類聚九

冰賦

激厲風而貞質仰和景而融暉清流離之光徹邈雲英之窈窕爾乃連綿絡幕乍結乍無翕然靈化得漸已蠶綿白隨川方圓隨渠義剛有折照壺則虛託形超象比朗玄珠一宗理而常全經百合而彌切轉若驚電照若澄月積如累空泮若墮節臨堅投輕應變縷裂瓊碎星流清練流越若乃上結薄映下鏡長泉靈葩隨流含

馨揚鮮

藝文類聚九  
初學記七

湘中賦

陽鷺山雞

御覽九  
百十八

湘川賦

其表則有滋澤晨潤彫霜夜凝

北堂書鈔一  
百五十二

箏賦

其器也則端方修直天隆地平華文素質爛蔚波成君子喜其絃  
麗知音俾其含清馨虛中已揚德正律度而儀彤良工加妙輕綆  
璘彬立漆緘響慶雲被身

藝文類聚四十  
四初學記十六

鳳賦

望太清曰抗恩誕儀鳳之逸羣稟鶉火之靈曜資和氣之煙燭允  
雞喙而燕頤頸蛇蛇而龍文勵歸昌于漢陽發明口乎聖君荷義  
躡正雞峙鴻前比翼交揮五色備宣與八風而降時雨音中鍾律

步則規矩朱冠赫曰雙翹靈質翺其高舉歷黃冠于招搖陵帝居

之懸圖

藝文類聚九十  
九初學記三十

拜員外散騎常侍表

不悟陛下聖恩所加登之常伯之列飾之貂璫之暉

北堂書鈔  
五十八

與殷仲堪牋

地名破冢真破冢而出行人安穩布帆無恙

晉書顧愷之傳仲堪  
在荊州愷之嘗因假

還仲堪特已布帆借之至破  
冢遭風大敗愷之與仲堪牋

虎丘山序

吳城西北有虎丘山者含真藏古體虛窮立隱嶙陵堆之中望形

不出常阜至乃品學絕于華峯

藝文類  
聚八

嵇康贊序

南海太守鮑靚通靈士也東海徐靈師之靈夜聞靜室有琴聲怪

其妙而問焉靚曰嵇叔夜靈曰嵇臨命東市何得在茲靚曰叔夜

迹示終而實尸解

文選五君詠注

畫贊

王衍

巖巖清峰壁立千仞

晉書王衍傳

水贊

湛湛若凝開神已質乘風擅瀾妙齊得一

藝文類聚八

父悅傳

君曰直道陵遲于世入見王王髮無二毛而君已斑白問君年乃曰卿何偏蚤白君曰松栢之姿經霜猶茂臣蒲柳之質望秋先零受命之異也王稱善久之

世說言語篇注

祭牙文

維某年某月日錄尚書事豫章公裕敢告黃帝蚩尤五兵之靈兩儀有政四海有王晉命在天世德重光烈烈高牙闐闐伐鼓白氣

經天簡揚神武藝文類聚六十御覽三百二十九

許詢

詢高陽新城人咸安中徵士有集八卷

墨麈尾銘

卑尊有宗貴賤無始器已通顯廢興非已偉質輒蔚岑條疏理體

隨手運散飄清起通彼玄詠申我先子書鈔一百三十四

白麈尾銘

蔚蔚秀氣偉我奇姿御覽作蔚蔚秀格偉偉奇姿荏蕸輒澗雲散雪飛君子運

之探玄理微因通無遠廢興可師書鈔一百三十四御覽七百三

張望

望爲征西將軍有集十二卷

枕賦

制爲素枕聊已偃仰爾乃六安其形展轉唯擬撫引應適永御君

子

北堂書鈔一百三十四

鷺鵒賦

井序

余觀鷺鵒之爲鳥也形貌叢茂尾翮樵陋樂水已遊隨波淪躍汎然任性而無患也

惟鷺鵒之小鳥託川湖已繁育翮舒翮已和鳴匪窘惕于籠畜滯潞池沼容與河洲翔而不掩集而不留值汙則止遇澤則游淪潭裏已銜魚躍浪表而相求萃不擇渠娛不擇川隨風騰起與濤回旋沈窺則足撥圓波浮泳則臆排微漣率性命已開放獨邀逸而

獲全

藝文類聚九十二

蜘蛛賦

井序

嘯詠蓬廬敖步丘園覽蜘蛛之爲蟲焉乘虛運巧構不假務欲足性命蕭然靖逸良可翫也

伊蜘蛛之爲蟲縱微性乎天壤稟妙造于化靈忽有礙而無相吐



自然之織緒。先皇義而結網。馮輕羅已隱顯。應大明之幽明。

御覽九百

四十

車胤

胤字武子。南平人。桓溫辟爲從事。進主簿。遷別駕。征西長史。益康初。爲中書侍郎。封關內侯。累遷侍中。太元中。領國子博士。遷驃騎長史。拜太常。進封臨湘侯。尋爲護軍將軍。隆安初。除吳興太守。辭疾不拜。加輔國將軍。丹陽尹。遷吏部尚書。爲元顥所逼死。

上言宜擇經學最優者一人領博士

案二漢舊事。博士之職。唯舉明經之士。遷轉各已本資。初無定班。魏及中朝。多已侍中常侍。儒學最優者領之。職雖不同。漢氏盡于儒士。取用其揆一也。今博士八人。愚謂宜依魏氏故事。擇朝臣一人。經學最優者。不繫位之高下。常已領之。每舉太常共研厥中。其

餘七人自依常銓選

通典五十三

上言庶母服制

謹案喪服禮經庶子爲母緦麻三月傳曰何呂緦麻呂尊者爲體不敢服其私親也此經傳之明文聖賢之格言而自頃開國公侯至于卿士庶子爲後各肆私情服其庶母同之于嫡此末俗之弊溺情傷教縱而不革則流蕩忘反矣且夫尊尊親親雖禮之大本然厭親于尊由來尚矣禮記曰爲父後爲出母無服也者不祭故也又禮天子父母之喪未葬越紼而祭天地社稷斯皆崇嚴至敬不敢已私廢尊也今身承祖宗之重而已庶母之私廢烝嘗之事五廟闕祀由一妾之終求之情禮失莫大焉舉世皆然莫之裁貶就心不同而事不敢異故正禮遂積而習非成俗此國風所已思古小雅所已悲歎當今九服漸寧王化惟新誠宜崇明禮典已一風俗請臺省攷修經典式明王度

晉書禮志中太元十七年太常車府上言又見通典八十二

又上言

去年上自頃開國公侯至于卿士庶子爲後者服其庶母同之于嫡違禮犯制宜加裁抑事上經年未被告報未審朝議曰何爲疑若曰所陳或謬則經有文若曰古今不同則晉有成典升平四年故太宰武陵王所生母喪表求齊衰三年詔聽依昔樂安王故事制大功九月興寧三年故梁王璘又所生母喪亦求三年庾子詔書依太宰故事同服大功若謹案周禮則緦麻三月若奉晉制則大功九月古禮今制竝無居廬三年之文而頃年已來各申私情更相擬襲漸已成俗縱而不禁則聖典滅矣夫尊尊親親立人之本王化所由二端而已故先王設教務弘其極尊郊社之敬制越紼之禮嚴宗廟之祀厭庶子之服所曰經緯人文化成天下夫屈家事于王道厭私恩于祖宗豈非上行乎下父行乎子若尊尊之心有時而替宜厭之情觸事而申祖宗之敬微而君臣之禮虧矣

嚴恪敬于祖宗致敬虧于事上而欲俗安化隆不亦難乎區區所  
惜實在乎斯職之所司不敢不言請臺參詳晉書禮志中十八年  
隋又上言有司奏詔

### 修明堂議

明堂之制既甚難詳且樂主于和禮主于敬故質文不同音器亦

殊既茅茨廣廈不一其制何必守其形範而不弘本順時乎晉志  
作從

俗乎宋志九服咸寧四野無塵然後明堂辟雝可光而脩之晉書  
作順民乎

傳又見禮志上  
宋書禮志三

### 朝臣上禮太子議

百辟卿士咸與盛禮展敬拜伏不須復上禮唯方伯牧守不覩大

禮自非酒牢貢羞無已裁其乃誠故宜有上禮亦如元正大慶方

伯莫不上禮朝臣奉璧而已通典七十卷武泰元十二年臺符問  
皇太子既拜朝臣奉璧應上禮否國

子博士  
車府議

羣臣見皇太子儀服議

朝臣宜朱衣襴幘拜敬太子荅拜案經傳不見其文故太傅羊祜  
賤慶太子稱叩頭此則拜之證又太監三年詔議其典尚書卞壹  
謂宜稽則漢魏闔朝同拜其朱衣冠冕唯施天朝宜襴幘而已通典  
七十尚書符又問王公已下見  
皇太子儀及所制衣服車馬議

荅謝琰問

謝琰問車胤曰人有妹喪降服已除本服未周可得嫁不荅曰禮  
小功不稅降在小功者則稅是推本情不計見服也時人有曰此  
婚嫁者僕常疑之孫騰荅人有卜日除服便冒婚況降服已除禮  
有大斷此都無疑通典  
六十

荅徐廣問李太后服

漢代皆服重且大體已定此當無服翻革邪通典八十一  
隆安四年

邵戢

戰魯里未詳

議桓宣武公立廟

禮父爲士子爲諸侯祭曰諸侯則宜立親廟四封君之子則封君高祖親盡廟毀封君之孫則封君曾祖親盡廟毀封君之曾孫則封君之祖親盡廟毀封君之立孫則封君之父親盡毀廟封君立孫之子則封君親盡廟宜毀然曰太祖不毀五廟之數于是始備至封君立孫之孫則毀封君之子封君立孫之孫復毀封君之孫如此隨代迭毀已至百代

通典四十七

從母父服適族議

案禮記同姓從宗合宗屬異姓主名理際會從母嫁于絕屬族父則無服從母之名謂不宜有服哉曰爲理際會者患班序易位及嫂叔無名耳矣服曰恩生班曰義斷雖門外之事義掩恩至門內之事恩掩義矣同宗之道處恩義之間故宜資之恩義今彼此獲

中據易位無名便廢骨原字之服實是所疑既有屬從鄭玄說子  
爲母黨之服案屬從者自非出母黨及庶子受重自于其所生之  
黨則所無厭降之文又記云六代親屬謁曰鄭說六代之外親盡  
爾雅族昆弟之子爲親同姓案從母嫁于無屬名者卽與嫁他姓  
不異則宜服從母嫁于他姓之服矣又嘗見賀公書稱賀新渝夫  
人爲從姨母尋所引不主名于際會者亦是有恩掩義謂宜服也  
通典九十五

諸侯之大夫爲天子服對

簡文帝崩鎮軍府問參佐綱紀服邵叡荅曰禮臣爲君服皆斬縗  
大夫居廬士居堊室又禮君之喪諸達官之長杖先儒引爲非達  
官謂官長所自除人在官者也庶人在官服天子與畿內之人同  
齊縗三月案參佐無除者宜用此禮又禮諸侯之大夫會見天子  
者爲天子服總縗七月案今綱紀雖或被除敕猶古諸侯之卿命

于天子比耳會見北面時無二君之道宜依總綬之制其無除赦  
又未嘗會見則宜無服通典人十一

劉遵

遵監康初爲尙書右丞

喪遇閏議

喪紀之制歲數者沒閏而三年之喪閏在始末者用捨之論時有  
不同唯當本乎閏之所繫可已明折衷經傳具四時已編年一時  
無事經書首月及其有事隨月而載初不書閏者已閏附正月不  
應時見也唯魯文公六年書閏月不告朔指見告朔之餘無事也  
又文公元年閏三月後故傳曰于是閏三月欲審所附此明證設  
此閏遭喪者取其周忌應用來年三月既合喪期大數得周忌定  
日何休亦已爲然朝論同之不嫌原其所出在乎閏附前月而不  
屬後故也始喪在閏月已附前祥除過之豈得屬後立閏有定所



而施用有彼此求之理例殊不經通且喪宜從重不貳之道祥用遠日禮之正典愚謂周忌故當七月二十八日大祥應用閏月晦既得周忌之正不失遠日之義禮之遠日誠非出月遇閏而然蓋隨時之變耳

通典一百

劉耽

耽寧康初吏部郎中

案劉惔父亦名耽乃元明時人非即此

喪遇閏議

喪禮之制周年沒閏者議曰閏非正月故略而不數是曰三明謂之閏三月公羊則曰天無是月由此言之閏無定所隨節而立其名稱則在上月是曰卒于閏者則曰所附之月爲周至于祥變理不得異豈有始喪則附之于前祥變則別之于後曰例推之情所未安且夫禮雖制情亦復因情制禮若情因事伸則古人順而不奪是曰每于祥葬咸用遠日斯所曰卽順物情因可伸之故數年

則沒閏喪禮所不嫌附于前月春秋之明義愚謂國祚用閏月晦  
既合經傳附前之義又得遠日伸情之旨且喪宜從重古今所同  
詳尋理例謂此爲允

通典一百一

鄭襲

襲寧康初散騎常侍有集四卷

喪遇閏議

中宗肅祖皆曰閏崩祥除之變皆用閏之後月先朝尚耳閏附七  
月用之何疑荀司徒亦曰閏薨荀家祥亦用閏之後月諸荀名德  
相繼習于禮學故號爲明宗議者引周官左氏而非公羊穀梁今  
案周官左氏傳兩書自書閏月中事閏月長三十日三十日中何  
得無事不明閏月非附月之理也議者稱三年之喪二十五月遇  
閏之年便二十六月三年之喪不應曰閏爲月議者稱禮傳終身  
之哀忌日之謂不唯周年子卯之謂代不用子卯閏月及大月三

十日亡至于無問之年及與小盡都是無忌所曰古人用子卯也  
簡文皇帝七月二十八日崩已未之日今年已未不在閏月十日時  
不用子卯而用二十八日久矣若已未在他月今者不能變改閏  
附七月已未不在閏今者用閏益遠日之情也

通典一百

### 難范甯論喪遇閏

鄭襲難范甯曰己閏三月五日死者當己來年五月祥何月爲忌  
日荅曰謂之閏月者己餘分之日閏益月耳非正月也非正月則  
吉凶大事皆不可用故天子不己告朔而喪者不數己閏月死既  
不數之禮十三月小祥二十五月大祥自然當己來年四月小祥  
明年四月大祥也所謂忌日者死者之日月耳今己閏月來年無  
閏月安得有忌日邪當己後歲閏月五日爲忌是五年再有忌日  
也難曰忌日之感終身之戚罔極之恩不離一日今須後閏則三  
年之忌不亦遠乎傳稱子卯不樂謂之疾日先儒己爲甲子乙卯

誠如是自宜已日辰為忌遇之而感耳

通典一百

謝攸 孔粲

攸 寧康初為博士粲魯郡魯人亦為博士後去職徵祕書監不就

喪遇閏議

案左氏春秋經魯襄公二十八年十二月甲寅天王崩乙未楚子卒其閒相去四十二日是則乙未閏月之日也經不書閏月而書十二月明閏非正宜附正之文其不曰二十九年正月是附前月之證又禮記曰喪事先遠日則祥除應在閏月

通典一百孝武寧康二年簡文帝崩

再周而遇閏傳士謝攸孔粲議

戴謚

謚 寧康初為尚書右丞

喪遇閏議

尋博士所上祥事是專用吳商議也商之所言依公羊何氏注及禮之遠日也禮稱三年之喪十三月而小祥二十五月而畢春秋傳曰三年之喪其實二十五月此喪服之大數周月之正文也又云喪曰月者數閏曰歲者不數閏是爲有閏則十四月而祥二十六月而除不用喪月之常數所曰重周忌之正也夫練除之節喪禮之大終身之哀忌日之謂喪中遇閏禮不可略周忌之月不可得而移故緣情曰立制變文而示義也至閏在喪表三年之限已全周忌之正已得何故于此而復延月邪議者據左氏之閏三月公羊無是月穀梁附月餘日曰明閏非月數皆應屬前之證案推攷分度隨曰置閏閏月之所在年中無常要當有繫曰名其所在三月後謂之閏三月非三月也天無是月非常月也非無此月所在無常也穀梁亦云積分曰成月經傳之文先儒舊說並不謂閏是餘日不別月數而曰六十日爲一月也三年之喪禮之所重其

爲節文不專一制亡在于閏喪者之變祥除之事無復本月應有所附已正所周閏在三月後附于三月喪紀無違順序有節合三得三禮意也若閏非月數皆屬于前功服葬月何已數之于葬則數于祥則否用捨二義未安也凶事遠日言月中之遠耳若遷一月當是遠月豈遠日之義邪卜葬之遠不出于月卜祥之遠而乃包閏卜同遠異復非所宜也案何休云閏死者數閏已正周月非死月不得數大較粗同但其年無閏而已乙未爲閏之日攷較經傳未之詳耳商探尋便爲正義不亦謬乎閏在喪中略而不計祥除值閏外而不取重周忌也閏亡無正推已附前喪期不闕順序不悖合禮變也

通典一百

諱議

朝臣所諱君之母妻施于小君非君之所生所生之諱不上諱楊非羣下所宜諱也竊謂如此則不唯奏事太后不應諱而已恐門

號縣名亦不宜改頒于天下而闔朝之臣陳事不避悠悠人吏犯者不問官號獨易餘莫之諱將于大體有不通邪父之所諱子無不諱君之所諱臣其不諱乎施于小君誠有其文母曰子貴亦有明義若曰事輕至尊應諱但奏御太后不諱一朝之事諱不竝行復是所疑

通典一百四

股合

合寧康初爲太常丞

喪過閏議

忌不可遷存終月也祥不必本月尙遠日也謂宜己七月二十八日爲忌閏月晦而祥

通典一百一

賜進士出身二品銜廣東等處提刑按察使司按察使兼管驛傳事務廣西土疏藻校刊



全晉文卷一百三十六

烏程嚴可均校輯

徐藻

藻東莞姑幕人徙居京口太元中為太學博士遷都水使者

崇德太后服議

資父事君而敬同又禮云宋志作其夫屬乎父道者妻皆母道也

則夫屬君道妻亦后道矣服后宜曰齊母宋志作資母之義也魯

譏逆祀曰明尊卑宋志通典皆作尊尊今上躬奉康穆哀皇及靖后之祀致

敬同于所天豈可敬之曰君道而服廢于本親謂應服齊衰其

康獻褚后傳太元九年崩太后于孝武帝為從嫂朝議疑其服太學博士徐藻議又宋書禮志二九年作元年徐藻作徐恭通典八

十作溫康中皆誤

公除祭議

古無公除吉凶之服不可相于故總不祭耳今既公除吉服而行

則可吉祭今既吉服無事不可而大事反可闕邪若曰心喪爲疑者則出母子爲父後得曰含悲而祭矣又禮有死宮中三月不舉祭齊縗之禮三月不從政意者雖速公除猶宜待滿三月

又問同宮之喪而未葬雖公除可已祭不答曰公除不祭本與于外喪耳若同宮之喪雖未葬此不可也

通典五十二

徐邈

邈藻子太傅謝安舉補中書舍人遷散騎常侍轉祠部郎選爲太子前衛率領本郡大中正安帝卽位進侍中驍騎將軍有周易音一卷穀梁傳注十二卷穀梁傳義十卷答春秋穀梁義三卷集二十卷

奏議東宮班劍

東宮班劍議者不處數案公卿故事給虎賁二十人持劍安平獻王加青蓋九旒前後鼓吹虎賁亦二十人依準此數東宮班劍當

不過二十八御覽六百一十一

君臣同諡議

案郭奕諡景詔實不日犯帝諡而改也又武帝永平元年詔書貴賤不嫌同號周公諡文君父同稱名行不殊諡何得異自今已後其各如禮通典一百四

王公妾子服其所生母議

喪服傳稱與尊者為體則不服其私親又君父所不服子亦不敢服故王公妾子服其所生母練冠麻衣既葬而除非五服之常則謂之無服宋書禮志二太元十五年淑媛陳氏卒皇太子所生也太子前衛率徐邈議

褚爽上表稱太子名議

左傳周人曰諱事神名終將諱之記云卒哭而諱皆周禮也名之與諡並是人倫所已相稱殷尚質無諱議其遇名字如姓位耳箕子答武王而邦其昌知于時未有諱也周公于成王六年始制周禮

曲備節文而諱名稱謚然猶臨文不諱廟中不諱故周頌有克昌

厥後先儒已爲宗廟詠歌上不諱下卽是父前子名也

通典一百四十六元十

九年案細覽五百六十二引語林別有徐邈表云云已通典校之乃徐乾議也故此不錄

明堂郊祀配享議

園丘郊祀經典無二宣皇帝嘗辨斯義而檢已聖典爰及中興備加研極已定南北二郊誠非異學所可輕改也謂仍舊爲安武皇帝建廟六世三昭三穆宣皇帝初基之主實惟太祖親則王考四廟在上未及遷世故權虛東向之位也兄弟相及義非二世故當今廟祀世數未足而欲太祖正位則違事七之義矣又禮曰庶子王亦禘祖立廟蓋謂支胤授位則親近必復京兆府君于今六世宜復立此室則宣皇未在六世之上須前世旣遷乃太祖位定爾京兆遷毀宜藏主于石室雖禘祫猶弗及何者傳稱毀主升合乎太祖升者自下之名不可謂降尊就卑也太子太孫陰室四主儲

嗣之重升。祔皇祖所配之廟。世遠應遷。然後從食之孫與之俱毀。明堂圓方之制。綱領已舉。不宜闕配帝之祀。且王者已天下爲家。未必一邦。故周平光武無廢于二京也。周公宗祀文王。漢明配已世祖。自非惟新之考。孰配上帝。

明堂所配之神。積疑莫辨。案易殷薦上帝。已配祖考。祖考同配。則上帝亦爲天而嚴父之義顯。周禮旅上帝者。有故告天與郊祀。常禮同用四圭。故竝言之。若上帝是五帝。經文何不言祀天旅五帝。祀地旅四望乎。人帝之與天帝。雖天人之通謂。然五方不可言上帝。諸侯不可言大君也。書無全證。而義容彼此。故太始太康二紀之間。興廢迭用矣。竝見晉書禮志。上宋書禮志三。

### 殷祭議

禮五年再殷。凡六十月分中。每三十月殷也。通典四十九

與范甯書

知足下遣十五議曹各之一縣又吏假歸白所聞見誠是足下留意百姓故廣其視聽吾謂勸導已實不曰文十五議曹欲何所敷宣邪庶事辭訟足下聽斷允塞則物理足矣上有理務之心則下之求理者至矣日昃省覽庶事無滯則吏慎其負而人聽不惑豈須邑至里詣飾其游聲哉非徒不足致益乃是蠶漁之所資又不  
可縱小吏爲耳目也豈有善人君子而干非其事多所告白者乎  
君子之心誰毀誰譽如有所譽必由歷試如有所毀必曰著明託  
社之鼠政之甚害自古已來欲爲左右耳目者無非小人皆先因  
小忠而成其大不忠先藉小信而成其大不信遂使君子道消善  
人輿尸前史所書可爲深鑒足下選綱紀必得國士足已攝諸曹  
諸曹皆是良吏則足已掌文案又擇公方之人已爲監司則清濁  
能否與事而明足下但平心居宗何取于耳目哉昔明德馬后未  
嘗顧與左右言可謂遠識況大丈夫而不能免此乎

晉書徐邈傳  
陳章太守范

甯欲遣十五議曹下屬城采求風政并吏假還訊問官長得失進與甯書云云

與范甯書問告定用牲否

禮郊牲在滌三月此謂當祀耳宗廟告牲亦不展芻豢日既逼不容得備又禮郊特牲在滌宮而稷牛唯具傳曰帝牛不吉則卜稷牛而用之如無復九旬之別也謂今牲至則當用無疑否

通典五十五

重與范甯書

禮天子之妃曰后關雎稱后妃之德妃后之名可謂大同所已憲章皇極禮崇物備者在于此也故太后之號定于前朝而當今所率由也若必欲章服同于后而名號異于妃則可因夫人之稱而加皇太呂明尊尊雖一理然于文物之章猶未盡崇高之極此又今之所疑不可得行也足下嫌太子妻稱妃然古無此稱出于後代今有皇太之別可例論耶

通典七十二

答徐乾書

母曰子貴穀梁亦有其義故曰贈人之母則可又會成風葬著言禮也但名雖夫人而實殊同體故不敢配厭羣臣無服所服曰爲異也鄭云近臣從服唯君所服若嫡夫人歿則有制重者故曰唯君所服之耳與君同重自施近臣驂僕而下三卿五大夫內有宗廟之祭外有侯伯之命何得曰私服廢正故庶母爲夫人上之不得曰干宗廟外之不得曰接侯伯唯國內申其私而崇其儀亦如侯伯子男之臣于內稱君曰公耳雖人君肆情行服而卿大夫不從所曰知上有天王也邇往來答釋范武子曰詩序云后妃義一是曰太妃車旗服章備如太后唯不敢從于宗廟禮又曰百官不稱臣所曰合無服之制也范于時都謂不應同皇后服章曰尊議難之自塞矣書傳無天子庶母之文且妾上無女君則夫人可爲通稱如五等爵皆稱公耳天王之與皇后未聞二其號者所曰闕之情禮而定太妃之稱良有由矣體同皇極故上比稱皇屈于郊廟



故遠避伉儷不曰后而曰妃因名求實可謂至矣禮太后與太妃  
義無異者假令國君在時妾母自當稱夫人但王典無二名不得曰國  
公夫人爲喻耳通典七  
十二

答曹述初難

五年再殷象再閏無取三年喪也祫三時皆可者蓋喪終則吉而  
祫服終無常故祫隨所遇唯春不祫故曰特祫非殷祀常也禮大  
事有時日故烝嘗曰時況祫之重無定月乎通典四  
十九

答曹述初問

曹述初問有仁人義士矜幼攜養積年爲之制服當無疑邪徐邈  
答曰禮緣情耳同爨總又朋友麻通典一  
百一

答傅瑗難

太元十六年告移廟奠幣祠部郎傅瑗問徐邈應設奠否邈答曰  
禮君出境曰遷廟主行每舍奠焉凡事關宗廟非幣則薦未有不

告而行將遷主之晨宜依告曰設奠瑗難曰言依告設奠但三薦相去近恐犯春秋再烝之議禮諸侯薨及禘祫則迎羣主歸太祖廟又云主出廟入廟必蹕無將行設奠之文奠重于蹕而文不及無奠明矣禮又云天子諸侯將出必曰幣帛皮圭告于祖禰遂奉曰出每舍奠焉而後就舍此謂雖侯王之貴必有尊也若徵此文事非其喻邈曰禮諸侯出朝既告祖禰臨行又徧告告不嫌再所引每舍奠者取其疏數隨宜若然則奠不爲數今之告廟戒出期也至日又告告將出也又曰新故兩廟各有其事左宗人儋曰有司具請升君升祝奉幣從祝聲三曰孝嗣侯某敢曰嘉幣告于皇考成廟將徙敢告君及祝再拜興祝導君降于阼階下云至于新廟筵于戶牖間祝奠幣于几東薦脯醢君盥酌奠于薦西祝聲三曰敢用嘉薦告于皇考又曰孝嗣侯某潔爲明薦尙饗又大戴遷廟禮文云凡曰幣告皆執幣而告告畢乃奠幣于几東小宰升取

幣埋兩階間禮天子諸侯將出曰幣告廟遂奉幣曰出及告設奠  
乃斂幣而藏之兩階此則初告之幣待後告而藏之必須事訖未  
訖則未藏今何不陳于新廟邪去舊之新當卽新曰藏幣故先奠  
几東乃取而藏之非謂舊廟虛告而新廟兼設也且初告告將移  
祝曰敢曰嘉幣後告告明享祝曰敢用嘉薦尋此二祝之稱則知  
幣也薦也各施于一廟矣

通典五十五

答伏系之問

伏系之問宣后徙廟或但告惠廟亦告太廟徐邈荅此無禮文意  
謂初崇號曰告太廟今自一別廟之遷耳于太廟無事無事而告  
則近黷矣古大事必告初崇進而告是也今徙廟事之末恐不得  
復告也

通典五十五

答孔安國問

孔安國問徐邈云皇太子爲新安公主當何服邈荅云禮父母之

所不服子亦不敢服諸侯之嗣子及大夫之嫡皆降絕舅親唯父母之所服子乃敢服王族絕周不爲姊妹服太子體君之尊亦同無服皇子厭其君又不敢服

通典八十二

荅王奧問

琅邪王爲前太宰武陵王服郎中令王奧問徐邈曰昆弟俱仕一人爲大夫一人爲士便降太宰是爲庶人諸侯而全持庶人之服乎元皇帝入承太宗孝王出嗣宗國殿下出後孝王于元帝故得爲子不邈荅曰議者多謂琅邪孝王應從出爲人後例降一等今琅邪當爲武陵王服大功案禮受重必已尊服服之而降本親此誠然矣今所疑者元皇帝本琅邪嗣王既光啟中興命孝王委重傳祀實受之于元皇非別有承繼者不彜繼而內自奪是無所天也今孝王猶曰子道嗣位本國豈與出爲人後者同哉案漢宣帝雖上繼昭帝而史皇孫猶稱皇考父子之道全卽一代成事

通典八十八

始疑武陵出嗣既已廢放不成爲人後則當還服本親若曰武陵先王祀不宜絕自應更命承繼

同上

又荅王奧問

琅邪中尉王奧問國王爲太宰武陵服事云太宰降爲庶人諸侯貴與庶人不敵爲不降邪昆弟俱仕一人爲大夫一人爲士便降況諸侯而全持庶人服乎徐邈荅云案禮曰貴降賤王侯絕周曰尊降卑餘尊所厭則公子服其母妻昆弟不過大功曰嫡別庶則父之所降子亦不敢不降也此三者舊典也喪服傳又曰始封之君不臣諸父昆弟先儒曰爲不臣則服之漢魏以來王侯皆不臣其父兄則事異于周故厭降之節與周不同總猶不降況其親乎既不自貴降則餘尊之厭故五服內外通如周之士禮而三降之典不行同矣昔魏武在漢朝爲諸侯制而竟不立荀公定新禮亦

欲令王公五等皆旁親絕周而摯仲理駁曰爲今諸侯與古異遂  
不施行此則是近代成軌也記又云古者不降故孟武孟皮得全  
齊縗然則殷周立制已自不同所謂質文異宜不相襲禮大晉世  
所行遠同斯義孔彭祖昔諮簡文帝諸王所服聖旨曰爲近代已  
來無服相降虞喜釋滯曰漢魏已來先儒論禮及喪服變除者皆  
言大夫降其旁親爲士者一等時人或班駁行之自謂合禮案喪  
服經傳始封之君不臣諸父兄弟封君之子不臣諸父封君之孫  
盡臣之矣夫始封之君尙服諸父昆弟而始爲大夫便降旁親尊  
者就重而卑者卽輕輕重顛倒豈禮意哉然當有意此爲據諸侯  
成例包于大夫已相兼通也如此則一代爲大夫不降諸父二代  
爲大夫不降兄弟三代爲大夫皆降之古者貴大夫有采邑繼位  
不止一身魯之三桓鄭之七穆皆自此也或問曰今大夫雖不繼  
位亦有三代皆爲大夫者名例相準必當隨古乎荅曰古重今輕

位無常居使吾處之志不存降

通典九十三

荅孔汪問

侍中孔汪問徐邈曰漢宣帝謂史皇孫爲皇考此是稱謂耳未足  
目明服之輕重也假令宣帝登阼後有本父母喪自當不得行重  
服又君服父祖廢疾不立者故斬而不降賀循云雖不立位在嫡  
正父之所繼己之所承故爲三年恐此與出後相踰邈荅曰祖考  
之名非可謬立且于時立非一帝德皇恭皇皆不得稱考明史皇  
孫稱考當實有義君超繼上代猶爲父祖之重無別所承故本親  
不降也元皇孝王所承既異則大制宜降故論者據此爲斷子之  
離父父之捨子其所承繼不同何得復全其本故吾無易眾議

八十

荅或問

或人問徐邈嫡孫承重在喪中亡其從弟已孤又未有子姪相繼

疑于祭祀。邈荅：今見有諸孫，而祖無後，甚非禮意。禮宗子在外，則庶子攝祭，可依此使一孫攝主。攝主則本服如故。禮大功者，主人之喪，猶爲之練祥再祭。況諸孫邪？若周既除，當以素服臨祭，依心喪，以終三年。通典八十八

荅虞道恭問

虞道恭問曰：舊君齊纊三月，今見爲人吏，舊君喪今同在此，未知禮猶得服不？徐邈荅曰：若更仕一君，便絕前君，足下疑于今爲人吏是也。吾謂仕者，豈以絕前邪？正使仕于此君之朝，而追前君亦何不可？況爲前君服舊君之服也。通典九十九

荅范甯問

報服在姊姒下，則知姑姊之服，亦是出自恩紀，非從夫之服報也。所發在于姑姊耳。通典九十二

范甯問曰：奔喪，禮師哭于廟門外。孔子曰：師吾哭之寢，何邪？徐邈



答曰蓋殷周禮也通典一百一

答劉氏問

劉氏問曰弟子遭所生母艱弟子有兒出後伯父承嫡當心喪三月否徐邈答曰庶祖母服禮無正條往年臨川王服太妃已爲成制今出後承嫡者當依爲人後降本親一等宜制大功九月通典九十六

答王珣問

徐邈答王珣曰鄭玄云五月之內追服王肅云服其殘月小功不追呂恩輕故也若方全服與追何異宜服餘月通典九十八

答杜挹問

杜挹問徐邈曰亡婦遂未得葬挹服便周既無別喪主多云未應得除今定云何答曰無子爲主案禮本不應除卽于下流多不能備禮今日宜變至葬反服亦無不可之理也通典一百三

問王珉

漢法制洗馬冠高山冠職如謁者中朝新制洗馬進賢冠出則在馬前清道故曰洗馬御覽二百四十六

徐廣

廣字野民邈弟謝玄爲兗州辟從事西曹譙王恬爲鎮北補參軍入爲祕書郎典校祕書省轉員外散騎侍郎隆安中遷祠部郎元顯錄尙書事引爲中軍參軍遷領軍長史桓玄輔政目爲大將軍文學祭酒義熙初除鎮軍諮議參軍領記室封樂成侯轉員外散騎常侍領著作郎遷驍騎常侍領徐州大中正轉正員常侍又轉大司農仍領著作遷祕書監宋受禪加中散大夫乞歸元嘉二年卒于家年七十四有禮論答問八卷又十三卷禮答問十一卷晉紀四十六卷車服儀注一卷

秋賦

于時招搖西建天高氣清飛霜凝洒悴葉飄零

初學記三

高風蕭條已遐振兮游雲掩翳而冒林昆蟲隨陽而坏穴鷹隼順

陰而威棱

北堂書鈔一百五十八

悼亡賦

歎林松之萋蕭慨丘陵之口落臨穴洞而興哀口外物而乖錯

同上

釣賦

投芳餌于纖絲灑長綸于平流

初學記二十二

上表乞歸

臣年時衰耄朝敬永闕端居都邑徒增替怠臣墳墓在晉陵臣又

生長京口戀舊懷遠每增感暮心息道玄謬荷朝恩忝宰此邑乞

相隨之官歸終桑梓微志獲申殞沒無恨

宋書徐廣傳永初元年詔為中散大夫廣上表

之計

孝武文李太后服議

太皇太后名位允正體同皇極理制備盡情禮彌申春秋之義母

目子貴既稱夫人禮服從正故成風顯夫人之號僖公服三年之

喪子于父之所生體尊義重且禮祖不厭孫固宜遂服無屈而緣

情立制若嫌明文不存則疑斯從重謂應同于為祖母後齊衰

齊衰三年服案宋書本傳作永安皇后無服但一舉哀百官亦一暮晉書禮志中又孝武

太后李氏崩疑所服尚書左僕射何澄右僕射王雅尚書車府孔

安國祠部郎徐廣議詔可今據宋書編入廣集

若曰魯侯所行失禮者左傳不見譏責而漢代持服與正嫡無異

殷太常所上服事于禮中尋求俱無明文然僕之所言專據春秋

也通典八十一案此當是徐廣問車府之辭

殷祭議

尋先事海西公泰和六年十月殷祠孝武皇帝宣康二年十月殷

祠若依常去前三十月今則應用四月也于時蓋當有故而遷在

冬但未詳其事太元元年十月殷祠依常三十月今則應用二年四月也是追計辛未歲十月未合六十月而再殷何邵甫注公羊傳云祫從先君來積數爲限自僖八年至文二年知爲祫祭如此履端居始承源成流領會之節遠因宗本也昔年有故推遷非其常度寧康太元前事可依雖年有曠近之異然追計之理同矣愚謂從復常次者已推歸正之道也

宋書禮志三通典四十九義熙二年

### 四府君遷主議

四府君嘗處廟室之首歆率土之祭若霾之幽壤于情理未必咸盡謂可遷藏西儲已爲遠視而禘饗永絕也

晉書禮志上宋書禮志三義熙九年

### 獻書宋公

風雷變未必爲災古之聖賢輒懼而修己所已興政化而隆德教也嘗忝服事宿眷未忘思竭塵露率誠于習明公初建義旗匡復宗社神武應運信宿平夷且恭謙儉約虛心匪懈來蘇之化功用

若神頃事故既多，刑德並用，戰功殷積，報敘難盡，萬機繁湊，固應難速。且小細煩密，羣下多懼，又穀帛豐賤，而民情不勸，禁司互設，而劫盜多有，誠由俗弊未易整，而望深未易炳。追思義熙之始，如有不同，何者？好安願逸，萬物之大趣，習舊駭新，凡識所不免。要當俯順羣情，抑揚隨俗，則朝野歡泰，具瞻允康矣。言無可採，願矜其愚款之志。宋書徐廣傳

荅劉嗣問

劉嗣問徐野人曰：嗣去年十二月有周慘，欲用六月婚，而服早已除，大人本無服，便是一家主，想無復異。徐荅曰：此議本據祖爲兒孫婚，自平吉可得娶妻，不計兒之有慘也。通典六十

荅劉損問

嗣弟損又重問野人曰：諸賢唯云祖尊一家得爲婚主，若便婚，損疑速也。徐荅曰：今歸重于王父，理無取于遲速。損重問曰：禮云嫁

女之家三夜不息燭娶婦之家三日不舉樂得不有輕不又大功之末可已嫁女則男不得婚向家是嫁女今是已子婚男女詎無異邪徐荅曰秉燭寢樂居然輕重故嫁娶殊品至于今事理本分塗唯取歸重極尊而不別異男女一也同上

### 荅樂亮問

樂亮問徐廣曰君弔之儀雖在于禮未審皇子之弔受弔爲當迎送及拜已不當于廬室主當別施位邪若別施位者應在何處卽位爲應立應坐君弔雖已葬主人必絕此禮已廢並未詳旣小祥重服已除正當卽已練冠功綬受弔邪徐廣荅曰皇子之儀捐而不拜然猶應已練冠功綬迎立于側皇子向戶揖訖伏廬室而哭及皇子前執手時乃可長跪受之去出室還至戶更哭通典八十二

### 荅蔡眇之問

蔡眇之問徐野人云從弟心喪當除此月不知猶應設祭者爲應

施牀爲地席邪其大兄皆在西知喪晚心制乃應除臘月其妹先除不知便可著綵衣不徐荅曰禪者喪事之極也故于此日設祭而告終自爾之後沈哀在心故謂之心喪外無節文故服祭竝缺也晦日唯哭已寫哀而已既各盡其服從禮而除矣著綵衣無所疑

通典一百一

### 荅劉鎮之問

劉鎮之問父尚在母出嫁亡今改葬應有服不徐廣荅云改葬服緦唯施極重此既出嫁未聞兒有服之文然緣情立禮令制服奉臨就從重之義合卽心之理亦當無疑于不允也

通典一百二

### 賈統

統太元中爲靈朔州刺史

### 上言神馬見

晉靈須池縣此月辛亥有馬二匹出于河上一白一烏盤戲相逐



河水上從卯至巳乃沒

開元占經一百十八引晉中興徵祥說孝武帝太元十四年六月監朔州刺史賈統

言上

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百三十六終